

ხელშეკრულება N ეკ/47
სახელმწიფო შესყიდვების შესახებ

ქ. თბილისი

25 აპრილი 2019 წელი

ერთის მხრივ, არასამეწარმეო (არაკომერციული) იურიდიული პირი „საქართველოს ეროვნული ბოტანიკური ბაღი“ (შემდგომში „შემსყიდველი“) წარმოდგენილი დირექტორის თამაზ დარჩიძის სახით და მეორე მხრივ შპს „ზი ემ სი გორგია“ (შემდგომში „მიმწოდებელი“) წარმოდგენილი დირექტორის მინდობილი პირის ლევან გელაშვილის სახით, გამარტივებული შესყიდვის საშუალებით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის საფუძველზე, გამარტივებული შესყიდვის ფორმით დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების ტერმინების განმარტება

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ.
- 1.2. „შემსყიდველი“ - ორგანიზაცია, რომელიც ახორციელებს შესყიდვას.
- 1.3. „მიმწოდებელი“ - ორგანიზაცია, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.4. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანს წარმოადგენს სხვადასხვა სახის სამეურნეო საქონლის სახელმწიფო შესყიდვა.
- 2.2. საქონლის დასახელება, რაოდენობა, ფასი და CPV კოდები წარმოდგენილია ხელშეკრულების დანართი #1-ში რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 135,31 (ას ოცდათხუთმეტი ლარი და ოცდათერთმეტი თეთრი) ლარს.
- 3.2. ხელშეკრულების ფასი შეიცავს მიმწოდებლის ყველა ხარჯს, დაკავშირებულს მიწოდებასთან, მათ შორის კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.2. დაფინანსების წყარო - საკუთარი ეკონომიკური შემოსავლების სახსრები.
- 4.3. მიმწოდებელთან ანგარიშსწორება იწარმოებს მიწოდებული საქონლის შესაბამისად გაფორმებული მიღება-ჩაბარების აქტის საფუძველზე.
- 4.4. შემსყიდველის მიერ მიწოდებული საქონლის ანაზღაურება მოხდება მიმწოდებლის მიერ მიღება-ჩაბარების აქტზე ხელის მოწერიდან 10 (ათი) სამუშაო დღის განმავლობაში.

5. საქონლის მიღება-ჩაბარების წესი

- 5.1. საქონელი ჩაითვლება მიღებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ.
- 5.2. შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს ა(ა)იპ „საქართველოს ეროვნული ბოტანიკური ბაღი“-ს სამეურნეო და მატერიალური უზრუნველყოფის განყოფილების მატერიალური უზრუნველყოფის კოორდინატორი ლევან ჯოლოგუა.

6. საქონლის მიწოდების ვადა

- 6.1. საქონლის მიწოდების ვადა ხელშეკრულების გაფორმებიდან 2019 წლის 3 მაისის ჩათვლით.

7. მხარეთა უფლება-მოვალეობები

- 7.1. შემსყიდველს უფლება აქვს შეამოწმოს საქონლის შესაბამისობა ხელშეკრულებით გათვალისწინებულ პირობებთან და განხორციელოს ხარისხის კონტროლი და ზედამხედველობა მიმწოდებლის მიერ ხელშეკრულების პირობების დაცვაზე. შემსყიდველის მხრიდან ინსპექტირებას უზრუნველყოფს სამეურნეო და მატერიალური უზრუნველყოფის განყოფილების მატერიალური უზრუნველყოფის კოორდინატორი ლევან ჯოლოგუა.
- 7.2. შემსყიდველი ვალდებულია საკუთარი სახსრებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.
- 7.3. შემსყიდველი ვალდებულია აუნაზღაუროს მიმწოდებელს მიწოდებული საქონლის ღირებულება წინამდებარე ხელშეკრულებით გათვალისწინებული პირობებით.
- 7.4. მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.
- 7.5. მიმწოდებელი ვალდებულია მიაწოდოს საქონელი ხელშეკრულებით გათვალისწინებულ ვადებში.

8. პირგასამტეხლო ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს ეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.
- 8.2. პირგასამტეხლოს გადახდა არ ათავისუფლებს მხარეს ძირითადი ვალდებულების შესრულებისაგან.

9. ხელშეკრულებაში ცვლილებების შეტანა და ხელშეკრულების შეწყვეტა

- 9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. შემსყიდველს უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს მიმწოდებელს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობით გათვალისწინებული წესის შესაბამისად:
- ა) თუ მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - ბ) თუ მიმწოდებელი სისტემატიურად და/ან უხეშად არღვევს ხელშეკრულების პირობებს;
 - გ) იმ შემთხვევაში, თუ მიმწოდებლის მხრიდან საქონლის მიწოდების ვადების დარღვევის პერიოდი აღემატება 10 (ათი) კალენდარულ დღეს ან ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს;
 - დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ე) საქართველოს კანონმდებლობით გათვალისწინებულ სხვა შემთხვევებში;

10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულების შესრულების შეუძლებლობის შესახებ.

11. დავები და მათი გადაწყვეტის წესი

- 11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების და მოლაპარაკების გზით. იმ შემთხვევაში, თუ შეთანხმება არ იქნება მიღწეული დავის წარმოშობიდან 30 დღის განმავლობაში, დავის გადასაწყვეტად მხარეები უფლებამოსილნი არიან მიმართონ თბილისის საქალაქო სასამართლოს საქართველოს მოქმედი კანონმდებლობის შესაბამისად.

12. ხელშეკრულების ენა და მოქმედების ვადები

- 12.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 12.2. ხელშეკრულება ძალაში შედის ხელმოწერიდან და მოქმედებს 2019 წლის 30 ივნისის ჩათვლით.

13. მხარეთა რეკვიზიტები

შემსყიდველი:

ა(ა)იპ „საქართველოს ეროვნული ბოტანიკურ ბაღი“
მის: ქ. თბილისი, ბოტანიკური ქ. #1
ს/კ: 404405960
ბანკი: სახელმწიფო ხაზინა
ბანკის კოდი TRESGE22
ანგ. #741 887 499
დირექტორი
თამაზ დარჩიძე

მიმწოდებელი:

შპს “ბი ემ სი გორგია”
ქ. თბილისი, წერეთლის ქ. #140
ს/კ: 245621288
ბანკი: თიბისი ბანკი
ბანკის კოდი: TBCBGE22
ა/ა: GE 62TB 1007 5360 2010 0008
დირექტორის მინდობილი პირი
ლევან გელაშვილი

2019 წლის 25 აპრილის #ეკ/47 ხელშეკრულების დანართი #1

#	საქონლის დასახელება	ზომის ერთეული	რაოდენობა	ერთეულის ფასი	ფასი	CPV კოდი
1	გამხსნელი სინთეტიკური 1,5ლტ TS100	ცალი	1	9,35	9,35	44832200
2	ლილვაკისა დასამღებრო თასის ნაკრები	ცალი	2	5,85	11,70	44512000
3	საკანალიზაციო მილი 100X3000 PP+GF+ნაცრისფერი	ცალი	1	27,46	27,46	44163100
4	ზუმფარა დასაკრავი სახეხი 125*150 (1*3000)	ცალი	20	0,6	12,00	14522300
5	ზუმფარა დასაკრავი სახეხი 125*40 (1*3000)	ცალი	20	0,6	12,00	14522300
6	ბოქლომი მეტალის 50მმ	ცალი	4	15,7	62,80	44521210
				სულ	135,31	

შემსყიდველი:

ა(ა)იპ - „საქართველოს ეროვნული ბოტანიკურ ბაღი“
 მის: ქ. თბილისი, ბოტანიკური ქ. #1
 ს/კ: **404405960**
 ბანკი: სახელმწიფო ხაზინა
 ბანკის კოდი TRESGE22
 ანგ. #**741 887 499**
 დირექტორი
თამაზ დარჩიძე

მიმწოდებელი:

შპს “ბი ემ სი გორგია”
 ქ. თბილისი, წერეთლის ქ. #140
 ს/კ: **245621288**
 ბანკი: თიბისი ბანკი
 ბანკის კოდი: TBCBGE22
 ა/ა: **GE 62TB 1007 5360 2010 0008**
 დირექტორის მინდობილი პირი
ლევან გელაშვილი